

SAKSPAPIR

Saksnr	Utval	Type	Dato
053/19	Formannskapet	PS	05.06.2019
035/19	Heradsstyret	PS	19.06.2019

Saksbehandlar	ArkivsakID
Grete Birkelid	19/112

Rullering av handlingsprogram vedr. kommunedelplan for idrett, friluftsliv og fysisk aktivitet 2020 - 2023

Vedlegg:

Handlingsprogram 2020 - 2023

Handlingsprogram 2019 - 2022 (L)(323967)

Rådmannen sitt framlegg til vedtak: Handlingsprogram for kommunedelplan for idrett, friluftsliv og fysisk aktivitet 2020 – 2023 vertvedteke slik det ligg føre.

Formannskapet - 053/19

FS - behandling:

AVRØYSTING

Rådmannen sitt framlegg - samrøystes tilrådd

FS - vedtak:

"Handlingsprogram for kommunedelplan for idrett, friluftsliv og fysisk aktivitet 2020 – 2023 vertvedteke slik det ligg føre."

Saksopplysningar:

Saksopplysningar:

Bakgrunn

Osterøy kommune rullerer årleg handlingsprogrammet for Kommunedelplan for idrett,

friluftsliv og fysisk aktivitet når det gjeld prioritering av spelemidlar.

Tradisjonelt er det rekkefølga på nye anlegg inn på lista som har vore vurdert. Anlegg som er inne

på lista har vore flytta oppover etter kvart som allereie prioriterte anlegg har fått innvilga sine søknadar.

Idrettsrådet på Osterøy gjer uttale til prioritering i forkant av at heradsstyret si behandling.

Etter innspelsrunde (2019) er det kome inn 1 innspel om endring av tidlegare innspel:

Flytte frå *Ordinære nærmiljøanlegg* til *Ordinære anlegg*: nummer 14. *Lyssetjing av tursti rundt Brakvatnet - Valestrand Grendaråd*. Tilføye turveg til innspelet.

Nytt innspel vert då: *Ordinære anlegg* punkt 13. *Turveg med lyssetjing rundt Brakvatnet - Valestrand Grendaråd*.

Kommunedelplan for idrett, friluftsliv og fysisk aktivitet finn du her:

<https://www.osteroy.kommune.no/innhald/plan-bygg-og-eigedom/planar/vare-planer/>

Vurdering

Nye anlegg er teke inn i botn av lista. Anlegg som har fått tilsagn om tilkot blir fjerna frå lista og dei under rykkjer tilsvarande opp. Osterøy idrettsråd gjer uttale til plassering av nye innspel.

Osterøy Idrettsråd har kome med innspel til prioritering av nye anlegg basert på vurdering av behov slik:

Ordinære idrettsanlegg:

Punkt nr 3. 7-ar bane på hjellvik. *Utfrå det me kjenner til fekk dei støtte i 2018, dermed kan dei gå ut av lista.*

Punkt nr 4. Skyteanlegg på Osterøy ungdomsskule. *Kan flyttast opp til nr 3. Idrettsrådet kjenner ikkje til statusen for dette anlegget, lar det derfor stå på den opphavslege plassen.*

Punkt nr 8. Rehabilitering av friidrettsanlegget på Hatland. *Kan flyttast opp som nr 4, da det formelle her verkar å vera i orden.*

Nr 1 og 2 kan bli ståande med atterhald om at det formelle er på plass.

Lyssetjing av tursti rundt Brakvatnet, *kan settast inn på lista over ordinære idrettsanlegg nederst på*

lista, da det blir mest rettferdig ovenfor dei andre anlegga.

Ordinære nærmiljøanlegg: *Me kjenner ikkje nok til prosessen til desse anlegga til å gjere nokon endringar.*

Rådmannen støttar prioriteringane til Idrettsrådet, og flyttar *Rehabilitering av friidrettsanlegget på Hatland - Osterøy IL* opp, då dei har idrettsfunksjonell førehandsgodkjenning i orden.

Skyteanlegg på Osterøy Ungdomsskule - Osterøy skyttarlag blir fjerna frå lista fordi arbeidet var byrja før ein hadde fått godkjent idrettsfunksjonell førehandsgodkjenning, og ein då misser retten til å søkje spelemidlar. *Rehabilitering av friidrettsanlegget på Hatland - Osterøy IL* blir difor flytta opp til 3. plass.

Anlegg som har fått tilskot blir fjerna frå lista.

Folkehelse

Det er viktig for Osterøy kommune at ein legg til rette for anleggsutvikling i regi av frivillige organisasjonar. Idretts- og nærmiljøanlegg kan bidra til utjamning av sosiale helseforskjellar og gje eit meir attraktiv lokalsamfunn.

Miljø

Anlegg som ivaretar miljø bør prioriterast.

Økonomi

Osterøy kommune er ansvarleg for å sjå til at anlegga blir halde i ein slik stand at dei kan nyttast til

føremålet. Dei fleste anlegga er kommunalt eigd. Det medfører ansvar for å oppretthalde ein god teknisk standard i anleggets levetid, om ikkje vert ein erstatningspliktig i forhold til tildelt spelemiddeltilskot. Osterøy kommune gjer årleg drifts- og vedlikehaldsmidlar til anlegg som har fått spelemiddelstøtte. Det er idrettsrådet som tar mot og behandlar søknadane om drift- og vedlikehaldsmidlar, og midlane vert fordelte ut frå søknadane. Til tross for auken i anlegg er ikkje desse midlane auka nemneverdig dei siste åra. Ved å stadig vedta nye anlegg fører dette til oppbygging av eit potensielt vedlikehaldsetterslep på anleggsfronten.

Konklusjon

Nye rutinar og prioriteringsvilkår må drøftast i arbeidet med ny kommunedelplan for idrett, friluftsliv og fysisk aktivitet. I følgje Osterøy sin planstrategi skal denne rullerast i 2019. Rådmannen rår no til å vedta prioritert liste slik den ligg føre.